

En favur dalla societad

Oz ei la surdada dil Premi grischun da cultura

DA GIUSEP VENZIN / ANR

■ Igl architect Gion A. Caminada da Vrin renunzia al spitachel architectonic. La concentraziun ei siu spitachel e quella concentraziun dat forza ton a ses baghetgs sco ad el sez. Oz sa igl architect e professor dall'architettura denton buca fugir dil spitachel. El retscheiva il Premi grischun da cultura. Igl um da 54 onns numna la honoraziun «in premi dalla regiun per la regiun». Igl architect renconuschius lunsch sur ils cunfins s'engascha en favur dallas regiuns. «Scaffir loghens» numna el la filosofia da sia architettura. Da ses scolars alla Scola aulta tecnica a Turitg giavischa el ch'els sentien la forza dil liug avon ch'els sviluppeschien igl object e buca ch'els transportien maletgs d'in auter ambient en quei liug. Ed el di ch'el hagi buc in stil da baghegiar, mo-bein ina metoda e quella pretenda la schientscha dallas ragischs culturalas.

A Vrin ha *Gion A. Caminada* realisau ina part da sia finamiras, ha aschidadir scaffiu il liug. Il vitg entadem la Val Lumnezia ei ap-



Igl architect Gion A. Caminada retscheiva oz il Premi grischun da cultura.

FOTO: G. VENZIN

prezias per sias stentas da mantener l'identitad ed igl architect ha gronds merets da quei. Igl onn 1998 ha il vitg retschiert il Premi Wakker ed avon in onn il premi

europic pil svilup integral e persistent. A Vrin ha Gion A. Caminada realisau plirs objects che surveschan al generaless. La stiva da morts, la halla polivalenta e

la mazlaria ein treis exempels. La materia lenn dominescha en ina gronda part da ses objects.

> PAGINA 3